

25.marts 2019

UPA2019/22

### **Siunnersuut uunga: Isiginnaartitsisarfeqarneq pillugu Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2019-imeersoq.**

(Inatsisartunut ilaasortaq Aleqa Hammond, Nunatta Qitornai)

Nunatta Isiginnaartitsisarfia isiginnaartitsisarneq pillugu inatsimmi § 3 naapertorlugu pisortat suliffeqarfiutigivaat namminersortoq. KNR-ip qitiusumillu ilinniarfiit aqqissuussaannikkut inissisimanerannut tamanna assinguvoq. Suliffeqarfiup pisortat suliffeqarfiutaattut inissisimaneranut pingaarnertut pissutaavoq suliffeqarfiup ingerlataasa amerlanerpaartaat pisortanit aningaasalersorneqarnerat.

Naalakkersuinikkut suliareqquneqartut naammassisussaataaffigai aningaasanut inatsikkut ingerlatsinissaminnut immikkoortitsiffiqeqartarnermikkut pisussaaffeqarmata. Inatsisartutigut aningaasanut inatsit aqqutigalugu aningaasaliisartuusugut nalilersortuassuarput pisussaaffitsik naammassineraat aammalu Nunatta ataatsimut isiginnaartitsisoqarneranut pisussaaffitsik naammassineraat, pingaartumik aamma inatsisitigut atugassaqartitsinitsigut tamanna ikorfartorneripput eqqarsaatigalugu immitsinnut piumaffigisariaqarpugut.

Uani inatsisissatut siunnersuummi qitiuvoq isiginnaartitsisarnermi inatsimmi (§ 10, imm 3) missingersuusiortarneq, naatsorsuuserisarneq naatsorsuutinillu saqqummiussisarneq pillugit aalajangersakkat Namminersorlutik Oqartussanut sukkulluunniit atuuttut suliffeqarfiup malittussaavai, tamannalu nukittunerpaamik inissisimasinnaanissaq isigineqarpoq siulersuinut ilaasortat ataatsimik minnerpaamik aqutsinikkut ilisimasalimmik soorlu aningaasaqarnikkut inatsisitigullu ilisimasalimmik ilaasortaqaqartarnissaanik allassimasoqalernikkut pisussaaffimmik naammassinissinnaalissasut.

Apeqqutigineqarsinnaavoq pisortaasup tamanna pisussaaffigineratigut piumasaqaataasussaannnginnersoq, aammalu siulersuinut ilaasortat qanoq tunuluqaqartarnissaannut piumasaqaateqarneq tamanut atuuttuunersoq ilanngullugu oqallisigineqarsinnaalluarsoraarput.

Taamatut oqaaseqarluta siunnersuut kultureqarnermut ataatsimiititaliamik suliarineqarnissaa inassutigaarput.